

atrofio Z 𐌸. Malsaneca malkresko de iu organo. Kp KRIPLA. ~ **igl.** Esti en stato de ~o. Kp ABORTI. ~(**igl**)l. Kaŭzi ~on.

atropino Z 𐌸 C¹⁷H²³O³N. Alkaloido, tre venena, eltirata el la beladono, k plilarĝiganta la pupilon.

* **Atuto.** Gajniga koloro en la kartludoj. ~i (ntr). Meti, ludi ~on. **Super**~i (x). Meti superan ~on en la batalon.

* **Aŭ.** Kunordiga konj. montranta du aŭ plurajn alternativojn: *ĉu vi trinkos teon ~ kafon? Jes ~ ne? Diru tion ~ al la patro ~ al la patrino; pomujo ~ (alivorte, alidirite) pomarbo estas vorto egale bonaj; Usono ~ (alinome) Unuigilaj Ŝtatoj.*

* **Aŭdi** (tr). 1 Senti, percepti per la oreloj: *orelojn ili havas, sed ne aŭdas; parolanto semas, ~anto rikoltas Z; bojas hundo kiel ĝi ~as de hundoj Z.* Kp AŬSKULTI. 2 Sciigi per aŭdado: *mi ~is multon pri vi; mi ~is, ke vi rezignas vian postenon.* ~(**ad**)o. 1 Perceptado de sonoj: *unu vido pli taŭgas ol dek ~oj Z.* 2 Kapablo ~i. ~a. Koncernanta la ~adon. ~igl. Produkti ~eblan sonon: *~igisian voĉon; la tondro ~igadis brue frapon post frapo Z.* **Ne~ita** Z. Nekredebla, senekzempla.

aŭdacl (ntr). 1 Riski fari ion, malgraŭ la danĝeroj aŭ malhelpoj; *maltimi: li ~is eniri (en) la sieĝatan urbon.* 2 Riski fari ion spitante la decaĵojn: *ĉu vi ~os respondi al la admono de via patro? la malkoncentriĝo de nia organizado ebligis ĉiajn ~ojn al niaj kontraŭuloj.* ~a. ~oplena, riskemega, maltima: *~a pamsfeto, revo, paradokso, koketeo, entrepreno, mieno, ŝtelisto.* Kp KURAĜA.

Aŭdienco. Akcepto de oficialulo al vizitantoj: *peti ~on ĉe Z; aranĝi ~on por iu Z; ricevi ~on.*

Aŭditorio. Aŭskultejo, ĉambrego por publikaj lekcioj, lekcioj.

aŭguro Z. 1 Diveno pri estonto, bazita sur flugado aŭ kantado de birdoj (en antikva Romo). 2 Antaŭsigno: *tiu unua sukceso estas bona ~o por la fina venko de nia afero; la korvo estas malbon~a.* ~i (tr). 1 Diveni laŭ ~oj. 2 Antaŭvidi. ~isto. Pastro kies rolo, ĉe la antikvaj Romanoj, estis diveni estonton laŭ ~oj.

* **Aŭgusto.** Oka monato de la jaro.

Aŭkelo. Procedo de vendo per publika konkuro, kie la pliproponanto ricevas la aĉetebloj: *~a vendo, propono.* ~i (tr). Vendi per ~o. ~isto. Komisiito por ~e vendi.

aŭlo. Solenejo, festoĉambrego ĉe universitato. Kp AŬDITORIO.

aŭreolo Z. 1 Luma rondo ĉirkaŭ la kapo de la sanktuloj, ĉe pentraĵoj; nimbo, glorkrono. 2 (f) Prestiĝo, brila famo: *la ~o de la sukceso, de la venko.*

aŭriklo Z ♥. Ĉiu el la du supraj kavajoj de la koro.

aŭrikulo Z. 1 𐌸 Speco de primolo, kiu floras antaŭ la komenco de printempo (*primula auricular*). 2 𐌸. G. de maraj limakoj (*auriculus*).

aŭrozo Z. 1 Matena krepusko, matenruĝo. 2 (f) Esperiga komenciĝo: *ĉe la ~o de la vivo; la ~o de novaj tempoj; ~as nova epoko.* 3 Diino de la mateno: *~o kun rozkoloraj fingroj.*

* **Aŭskulti** (tr). 1 Atenti por aŭdi: *kiu bone ~as bone lernas; ne ~inte ne kondamnus Z; ~i sub la pordo, trans la muro Z; kiu ~as, kie li ne devas, tiu aŭdas, kion li ne revas Z.* 2 (f) Obei, sekvi: *li ne volis ~i miajn konsilojn.* (**Brust**)~i. Kuraciste esplori la internajn bruojn de la pulmoj k de la koro. **Sub**~i. Kaŝe ~i.

aŭspicio Z. 1 Antaŭsigno pri estonteco: *la afero sin prezentas sub favora ~o.* 2 Protektado, patronado: *la kongreso okazos sub la ~o de la registaro; eldoniĝis multaj valoraj verkoj sub la ~o de SAT.*

aŭto. Aŭtomobilo. ~isto. Motoristo.

aŭtenta Z = aŭtentika.

Aŭtentika. 1 Nedubbele certa, vera, originala: *~a dokumento.* 2 Oficiale certigita. ~igl. Oficiale certigi.

Aŭtobiografio. Priskribo de la vivo de iu persono, skribita de tiu persono mem.

aŭtobuso. Aŭtomobila omnibuso.

aŭtodafeo (K). Punbruligo de herezuloj.

aŭtodidakto Z. Homo, kiu instruis sin mem, sen la helpo de instruisto; meminstruito, memlerninto.

Aŭtografo. Skribaĵo propramane farita de iu persono mem: *kolekto da ~oj; ~a dokumento.* Kp MANUSKRIPTO.